

Cyfarfod arbennig o'r cyngor i'w gynnal



Yr wythnos nesaf bydd Cynghorwyr yn trafod canfyddiadau ymgynghori statudol i adolygiad o ddarpariaeth addysg uwchradd yng Nghanolbarth a Gogledd-orllewin Sir Benfro (ardal Abergwaun a Thyddewi).

Ddydd Iau (26 Tachwedd) bydd Kate Evan-Hughes, y Cyfarwyddwr dros Blant ac Ysgolion, yn cyflwyno canfyddiadau'r ymgynghori mewn adroddiad i gyfarfod Arbennig o'r Cyngor.

Mae ei hadroddiad yn cynnwys argymhelliad ar derfynu Ysgol Dewi Sant, Ysgol WG Bro Dewi, ac Ysgol Gynradd Gymunedol Solfach a sefydlu Ysgol Wirfoddol Gymorthedig 3-16 newydd yr Eglwys yng Nghymru gan ddefnyddio safleoedd pob un o'r ysgolion presennol.

Byddai'r penderfyniad i gadw darpariaeth gynradd ar safle Ysgol GG Solfach, er bod hynny fel rhan o ysgol 3-16, yn 'lliniaru rhai o'r pryderon a fynegwyd yn yr ymgynghori ynghylch Ysgol GG Solfach', dywed yr adroddiad.

Mae'r cynigion hefyd yn cynnwys darpariaeth ôl-16 ar gyfer yr ysgolion uchod mewn canolfan chweched dosbarth newydd fel rhan o gydweithio ffurfiol rhwng y Cyngor Sir a Choleg Sir Benfro

Yr argymhelliad i'r Cynghorwyr fydd awdurdodi'r Cyfarwyddwr dros Blant ac Ysgolion i gyhoeddi Rhybudd Statudol ar y cynigion.

Y cynigion yn llawn yw:

a) * Dynodi Ysgol Bro Gwaun fel ysgol 11-16 gyda darpariaeth ADY ychwanegol ar gyfer disgyblion gydag anghenion dysgu cymhleth

* Terfynu Ysgol Dewi Sant, Ysgol WG Bro Dewi ac Ysgol GG Solfach a sefydlu Ysgol Wirfoddol Gymorthedig 3-16 newydd yr Eglwys yng Nghymru gan ddefnyddio safleoedd pob un o'r ysgolion presennol

* Gwneud darpariaeth ôl-16 ar gyfer yr ysgolion uchod mewn canolfan chweched dosbarth newydd fel rhan o gydweithio ffurfiol rhwng y Cyngor Sir a Choleg Sir Benfro

b) cynnwys y newidiadau arfaethedig i ddalgylch yr ysgolion fel rhan o drefniadau derbyn i ysgolion yr Awdurdod ar gyfer 2017/18.

Bydd y Cyfarfod Arbennig hefyd yn trafod adolygu addysg uwchradd yn ardal Hwlfordd.

Bydd y cyfarfod yn cael ei gynnal yn Neuadd y Sir ar ddydd Iau, 26 Tachwedd am 10am a bydd yn cael ei we-ddarlledu'n byw ar wefan Cyngor Sir Penfro: www.pembrokeshire.gov.uk